

2023-2024 оқу жылындағы Т.Жармағамбетов атындағы орта мектебінің

1 «В» сынып оқушыларымен жыл бойы жүргізілген тәрбие жұмысына талдау

2023-2024 оқу жылында 1 «В» сыныбында 19 оқушы болды. Ері-14, қызы-5. Екінші тоқсанда Сисенбаева Айару Кенесбайқызымен толықты. Оқу жылының басында Біртұтас тәрбие бағдарламасының мақсатына сай ұлттық, адами құндылықтарға негізделген тәрбие жұмысының жоспары жасалды. Жылдық жоспардың мақсатында оқушы бойында жалпыадамзаттық және ұлттық құндылықтарды дамыту көзделді. Жолда жүру ережелері, қосымша бағдарлама тақырыптары қамтылды. «Мектеп-мейірім мекені» атты алғашқы білім күніне арналған жаппай тәрбие сағаты өткізілді. Мақсаты: Балалардың бойында үлкенге құрмет, кішіге ізет көрсету қасиеттерін сіңіру, Отаншылдық құрмет және азаматтық сана құндылықтарын датыру болды. Сондай-ақ балалардың жазғы демалыстан алған әсерлерін жаңа оқу жылынан не күтетіндіктерін талқыладық, Ұлттық мүдде, ар-ұят, талап құндылықтарының адам өміріне маңыздылығы аталып өтті. Ұлттық, кәсіптік мерекелерге орай сынып сағаттары жоспарға сай жүргізілді.

Халқымыздың атақты акын, жазушылары, мемлекет және қоғам қайраткерлерінің туған күндері аталып, оқушыларға ұлы тұлғалардың өмірі, шығармашылығы таныстырылды. Бұл сағаттарда оқушылар өз бетінше ізденіп, ақпараттар жинақтап, таныстырылымдар жасады.

Жылдық жұмыс барысында «Мақал-сөздің азығы, Жұмбақ-ойдың қазығы» атты танымдық-ойын, Жеткіншектің жеті жарғысы жобасы бойынша «Әдепті бала – арлы бала», Ата-аналар мектебі жобасы бойынша «Ана – өмір шырағы» тақырыптарында тәрбие сағаттары өткізіліп, оқушы бойында болашаққа оң көзқараспен бағытталуға ықпал жасалды.

Оқу жылы барысында ата-аналармен тығыз байланыс жүрді. «Менің отбасым-менің бақытым», «Отбасы жылуы», «Әкеге ізет, анаға құрмет» тақырыптарында «Мектеп, ата-ана, бала» үштігінің ынтымақтастығын нығайтуға бағдарланған шаралар жоспарға сай өтті. Сонымен қатар Қазақстан халықтарының бірлігі күні, Отан қорғаушылар күні, Жеңіс күндеріне байланысты сынып сағаттарында үлкенге ізет көрсету, сыйластық, татулық, ар-ұят, еңбекқорлық қасиеттер насихатталды. Ата-аналармен өткізілген «Қыс қызығы» атты эстафеталық ойынға сынып ата-аналары белсене қатысып, ұйымшылдықтарын көрсетті, Ата-аналар мен оқушылар мақтау қағаздарымен марапатталды.

Жыл бойына «Біртұтас тәрбие бағдарламасының» мақсатына сәйкес жүргізілген жұмыстар күтілген нәтижеге жетті.

Сынып жетекшісі  К.Т.Сәлиева